

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federaciji BiH", broj 35/05) i člana 179. Zakona o osnovama bezbjednosti saobraćaja na putevima u Bosni i Hercegovini ("Službeni glasnik BiH", broj 6/06, 75/06, 44/07, 84/09, 48/10 i 18/13), a u vezi sa članom 9. Pravilnika o uvjetima i načinu dobijanja licence ("Službeni glasnik BiH", broj 12/07, 41/07 i 13/13), ministar za obrazovanje, nauku i mlade Kantona Sarajevo donosi

PRAVILNIK

**O PROVOĐENJU POSLOVA IZ PRAVILNIKA O
UVJETIMA I NAČINU DOBIJANJA LICENCE**

OPĆE ODREDBE

Član 1.

(Osnovne odredbe)

- (1) Ovim Pravilnikom propisuje se način organiziranja pripreme nastave i polaganja ispita za kandidate za sticanje licence, uvjeti i visina troškova i naknada u vezi sa poslovima provođenja Pravilnika o uvjetima i načinu dobijanja licence za predavača teoretske nastave, ispitivača iz teoretskog dijela ispita, ispitivača iz upravljanja motornim vozilom i ispitivača iz poznavanja prve pomoći ("Službeni glasnik BiH", broj 12/07, 41/07 i 13/13), kao i način vođenja evidencije u vezi sa ovim poslovima.
- (2) Ovim Pravilnikom propisuju se i preciziraju ostali uvjeti koji nisu u potpunosti utvrđeni ili definirani drugim relevantnim propisima.

JAVNI POZIV

Član 2.

(Javni poziv)

- (1) Ministar za obrazovanje, nauku i mlade Kantona Sarajevo (u daljnjem tekstu: Ministar), tri puta u toku jedne kalendarske godine i to: u martu, maju i septembru objavljuje javni poziv za dobijanje licenci iz člana 1. ovoga Pravilnika.
- (2) Javni poziv iz prethodnog stava obavezno sadrži:
 - a) Uvjete koje kandidat treba ispunjavati za dobijanje svake pojedinačne licence,
 - b) Popis oblasti iz kojih se održava priprema nastava i ispiti,
 - c) Mjesto i vrijeme održavanja pripreme nastave i ispita,
 - d) Troškove za polaganje ispita,
 - e) Listu dokumenata koje je neophodno dostaviti uz aplikaciju i
 - f) Druga relevantna pitanja

Član 3.

(Procedure po javnom pozivu)

- (1) Provođenje procedure po javnom pozivu iz člana 2. ovoga Pravilnika je u nadležnosti Ministarstva.
- (2) Prijave (Prilog br. 1) sa propisanom dokumentacijom dostavljaju se u zatvorenoj koverti, sa naznakom "Prijava na javni poziv za licenciranje - ne otvaraj", na adresu: Ministarstvo za obrazovanje, nauku i mlade Kantona Sarajevo, ulica Reisa Džemaludina Čauševića broj 1. u skladu sa naznačenim rokovima iz javnog poziva.

PRIPREMNA NASTAVA, ISPITI I TROŠKOVI

Član 4.

(Priprema nastava)

- (1) U okviru provođenja procedure javnog poziva Ministarstvo za obrazovanje, nauku i mlade Kantona Sarajevo (u daljnjem tekstu: Ministarstvo), za kandidate koji steknu uvjete za polaganje ispita za neku od licenci, organizira pripremu nastavu u skladu sa programom koji donosi Ministar na osnovu

Jedinstvenog plana i programa za Bosnu i Hercegovinu datog u članu 5. Pravilnika o uvjetima i načinu dobijanja licence ("Službeni glasnik BiH", broj 12/07, 41/07 i 13/13).

- (2) Osposobljavanje/priprema se vrši putem obavezne pripreme nastave i to:
 - a) 10 sati za dobijanje licence za ispitivača teoretskog dijela ispita;
 - b) 10 sati za dobijanje licence za ispitivača iz upravljanja motornim vozilom;
 - c) 10 sati za dobijanje licence predavača teoretske nastave.
- (3) O održavanju pripreme nastave vodi se Dnevnik (Prilog br. 2).

Član 5.

(Potvrda o završenoj pripremi nastavi za polaganje ispita za dobijanje Licence)

- (1) Nakon završetka pripreme nastave Ministarstvo izdaje propisanu potvrdu, za koju se vodi posebni registar.
- (2) Kandidati koji prisustvuju na najmanje 80% od predviđenih časova za svaku oblast pojedinačno stižu pravo na izdavanje potvrde iz prethodnog stava.

Član 6.

(Ispiti)

- (1) Ispitu za stjecanje licence mogu pristupiti isključivo kandidati kojima je izdata Potvrda iz člana 5. ovoga Pravilnika.
- (2) Ukoliko kandidat aplicira za dobijanje više licenci, potrebno je da dostavi samo jedan komplet propisane dokumentacije iz javnog poziva, a u obrascu Prijave naznači za koje licence aplicira, kako je to dato u samom obrascu.
- (3) Za ispite koji su identični za dobijanje dvije ili više licenci, kandidat uplaćuje samo jedan iznos sredstava utvrđen ovim Pravilnikom, pohada pripremu nastavu i polaže ispit samo jednom.
- (4) Položeni ispit iz prethodnog stava, kandidatu se priznaje prilikom apliciranja za dobijanje svih onih licenci za koje kandidat zadovoljava i ostale uvjete.

Član 7.

(Troškovi za polaganje ispita)

- (1) Troškovi za polaganje ispita iz jedne oblasti pojedinačno, koji je kandidat za dobijanje odgovarajuće licence obavezan polagati u skladu sa čl. 14., 15. i 16 Pravilnika o uvjetima i načinu dobijanja licence ("Službeni glasnik BiH", broj 12/07, 41/07 i 13/13) iznose 150 KM, a uključuju:
 - a) pripremu nastavu,
 - b) polaganje ispita i
 - c) odgovarajuću literaturu-priručnik i obrasce.

Član 8.

(Odjava ispita)

- (1) Kandidat koji iz opravdanih razloga nije u mogućnosti pristupiti zakazanom ispitu dužan je odjaviti ispit najkasnije 24 sata od zakaznog termina polaganja, u suprotnom smatrat će se da ispit nije položio.

Član 9.

(Zapisnik o ispitima)

- (1) O polaganju ispita vodi se zapisnik na posebnom obrascu koji je propisan Pravilnikom o uvjetima i načinu dobijanja licence ("Službeni glasnik BiH", broj 12/07, 41/07 i 13/13).

Član 10.

(Ponovno polaganje)

- (1) Kandidat koji ne položi pojedinačni ispit za dobijanje odgovarajuće licence, ima pravo ponovnog polaganja u prvom sljedećem ispitnom roku koji bude organizovan u skladu sa prvim narednim javnim pozivom.

- (2) U izuzetnim okolnostima, odnosno za grupu od minimalno 5 kandidata koji ne polože neki od ispita za dobijanje odgovarajuće licence, Ministarstvo može organizirati popravni rok.
- (3) Kandidat koji iz tri pokušaja ne položi ispit za dobijanje licence, ima pravo pristupiti ponovnom polaganju ispita godinu dana nakon posljednjeg neuspjelog polaganja.

PRIGOVOR I ŽALBA

Član 11.

(Prigovor na ocjenu ispita)

- (1) Kandidat koji nije zadovoljio na ispitu, ima pravo pismenog prigovora u roku od tri dana od dana zvaničnog saopćavanja ocjene ispita.
- (2) O prigovoru odlučuje predsjednik i komisija za polaganje ispita u roku od tri dana od dana prijema prigovora.
- (3) Protiv odluke komisije kandidat ima pravo žalbe Ministru u roku od osam dana od dana prijema odluke.
- (4) Ukoliko Ministar odluči daje žalba osnovana, predsjednik komisije organizira ponovno polaganje ispita pred novom komisijom od dva ispitivača čija stručnost zadovoljava uvjete iz Pravilnika o uvjetima i načinu dobijanja licence ("Službeni glasnik BiH", broj 12/07, 41/07 i 13/13).

UVJERENJA I LICENCE

Član 12.

(Izdavanje licenci)

- (1) Uvjeti i postupak dobijanja licenci, polaganje ispita, izdavanje licenci i registracija izdatih licenci provode se u skladu sa Pravilnikom o uvjetima i načinu dobijanja licence ("Službeni glasnik BiH", broj 12/07, 41/07 i 13/13).

Član 13.

(Uvjerenja i licence)

- (1) Kandidatu koji je položio ispit za neku od licenci, Ministar izdaje uvjerenje o položenom ispitu na obrascu koji je propisan Pravilnikom o uvjetima i načinu dobijanja licence ("Službeni glasnik BiH", broj 12/07, 41/07 i 13/13).
- (2) Na osnovu uvjerenja iz prethodnog stava Ministar izdaje odgovarajuću licencu.
- (3) Sadržaj i izgled licence je propisan čl. 28. i 29. Pravilnika o uvjetima i načinu dobijanja licence ("Službeni glasnik BiH", broj 12/07, 41/07 i 13/13).

Član 14.

(Produženje licence)

- (1) Produženje važenja licence, čiji je rok važenja istekao, kao i evidentiranje novih kategorija i potkategorija nakon uspješnog položenog ispita za instruktora vožnje, podrazumijeva njenu zamjenu za novu licencu.
- (2) Uz Zahtjev (Prilog br. 4) za produženje važenja licence, prilaže se:
 - a) ovjerenu fotokopiju stare Licence,
 - b) dvije fotografije (30x35),
 - c) ovjerenu fotokopiju lične karte,
 - d) ovjerenu fotokopiju vozačke dozvole,
 - e) ovjerenu fotokopiju dozvole za instruktora vožnje,
 - f) 2 potvrde o učestvovanju na stručnim usavršavanjima,
 - g) dokaz o uplati troškova izdavanja-zamjene Licence u iznosu od 40 KM.
- (3) Podnosiocu zahtjeva za produženje važnosti stare licence, koji ispunjava sve uvjete propisane zakonom i ovim Pravilnikom, izdaje se nova licenca sa lokom važnosti od pet godina.
- (4) Pri preuzimanju nove licence, lica iz prethodnog stava su dužna predati originalnu staru licencu.

- (5) Ministarstvo vodi registar o produženju licenci.

Član 15.

(Oduzimanje licence)

- (1) Ministar će oduzeti licencu ako imalac licence poslove za koje je licenciran obavlja na način protivno odredbama Zakona o osnovama bezbjednosti saobraćaja na putevima u Bosni i Hercegovini ("Službeni glasnik BiH", broj 6/06, 75/06, 44/07, 84/09 i 18/13), Pravilnika o uvjetima i načinu dobijanja licence ("Službeni glasnik BiH", broj 12/07,41/07 i 13/13) i ovoga Pravilnika.

Član 16.

(Registar licenci)

- (1) Ministarstvo vodi poseban registar izdatih licenci na propisanim obrascima.

EDUKACIJA LICENCIRANIH PREDAVAČA I ISPITIVAČA

Član 17.

(Program stručnog usavršavanja)

- (1) S ciljem obezbjeđivanja potrebnih uvjeta za produženje licence propisanih u članu 27. Pravilnika o uvjetima i načinu dobijanja licence ("Službeni glasnik BiH", broj 12/07,41/07 i 13/13), Ministarstvo će svake godine u maju i oktobru organizirati seminare za stručno usavršavanje koji podrazumijevaju informisanje o svim novim kretanjima u ovoj oblasti relevantnih za stručnu nadogradnju licenciranih predavača i ispitivača.
- (2) Ministarstvo može ovlastiti neku od strukovnih organizacija da organizira neki od ovih seminara.
- (3) O organiziranju seminara Ministarstvo objavljuje poziv za licencirane predavače i ispitivače u čijem prilogu se nalazi obrazac Prijave (Prilog br. 3).
- (4) Uz prijavu, instruktori vožnje obavezni su dostaviti uplatnicu na iznos od 40 KM za svrhu prisustva seminaru.
- (5) Obaveza licenciranih predavača i ispitivača je da prisustvuje na najmanje dva seminara u roku važenja njegove licence.
- (6) O učešću na seminaru Ministarstvo izdaje odgovarajuću potvrdu.

ISPITNA KOMISIJA I NAKNADE

Član 18.

(Imenovanje ispitne komisije)

- (1) Ispit za sticanje licence polaže se pred komisijom koju imenuje Ministar posebnim rješenjem za svaki ispitni rok.
- (2) Broj članova i stručni sastav komisije obavezno odražava uvjete propisane članom 11. Pravilnika o uvjetima i načinu dobijanja licence ("Službeni glasnik BiH", broj 12/07, 41/07 i 13/13).

Član 19.

(Naknade za članove komisije)

- (1) Naknade članovima ispitne komisije za obavljene poslove po rješenju iz čl. 4 i 6. ovoga Pravilnika, utvrđuju se kako slijedi:
 - a) Čas pripreme nastave u jednoj grupi - 25 KM;
 - b) Predsjedniku ispitne komisije - fiksni iznos naknade se utvrđuje u Rješenju o imenovanju predsjednika Komisije.
 - c) Ispitivaču iz oblasti:
 - Poznavanje propisa o sigurnosti saobraćaja na putevima - 20 KM po kandidatu,
 - Metodika vožnje - 15 KM po kandidatu,
 - Pedagogija - 15 KM po kandidatu.
- (2) Evidenciju o održanim ispitima, relevantnu za obračun troškova, vodi predsjednik Komisije i dostavlja odgovarajućoj službi Ministarstva na realizaciju.

Član 20.
(Stupanje na snagu)

- (1) Ovaj Pravilnik stupa na snagu danom donošenja i bit će objavljen u "Službenim novinama Kantona Sarajevo".
- (2) Stupanjem na snagu ovoga Pravilnika, prestaje da važi Pravilnik o uslovima i visini naknade u vezi sa poslovima

provođenja pravilnika za dobijanje licence ("Službene novine Kantona Sarajevo", broj 14/07, 07/11).

Broj 11-08-12.72/15
02. novembra 2015. godine

Ministar
Prof. dr. **Elvir Kazazović**, s. r.

Prilog br. 1

PRIJAVA

Redni broj registra

Za polaganje ispita za dobijanje Licence

- Predavača teoretske nastave
- Ispitivača iz teoretskog dijela ispita
- Ispitivača iz upravljanja motornim vozilom
- Ispitivač iz poznavanja prve pomoći
- (U kućicu ispred željene prijave upisati *)

**KANTON SARAJEVO
MINISTARSTVO ZA OBRAZOVANJE, NAUKU I MLADE**

Molim da mi se odobri polaganje ispita. O sebi dajem slijedeće podatke:

1	Ime i prezime	
2	Ime jednog roditelja	
3	Datum, mjesto rođenja i JMB	
4	Državljanstvo	
5	Zanimanje	
6	Adresa stanovanja i broj telefona	
7	Za koju vrstu licence polaže ispit	
8	Način pripremanja ispita za polaganje	
9	Da li je za istu licencu već polagao/la ispit, koliko puta	
10	Da li posjeduje vozačku dozvolu, za koju kategoriju vozila, kada je i pod kojim brojem izdata	
11	Da li je podnosiocu prijave izrečena mjera zabrane izdavanja, odnosno oduzimanja vozačke dozvole, ako jest od koga i za koje vrijeme	

Uz prijavu prilažem dokumentaciju propisanu pravilnikom i to:

1.
2.
3.
4.
5.
6.
7.

U
..... godine

Podnosilac prijave,

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje, nauku i
mlade



Prilog br. 2
Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and
Youth

D N E V N I K

**O IZVOĐENJU PRIPREMNE NASTAVE
ZA DOBIJANJE LICENCE**

Grupa broj:		Broj kandidata:	
Datum i broj časova	Nastavna oblast i sadržaj	Odsutni kandidati	Potpis predav.
Datum: Broj časova:			
Datum: Broj časova:			
Datum: Broj časova:			
Datum: Broj časova:			

Prilog br. 3**PRIJAVA**

Redni broj registra

ZA „PROGRAM STRUČNOG USAVRŠAVANJA“**KANTON SARAJEVO
MINISTARSTVO ZA OBRAZOVANJE, NAUKU I MLADE**

Prijavljujem se za prisustvovanje „PROGRAMU STRUČNOG USAVRŠAVANJA“

O sebi dajem slijedeće podatke:

1	Ime i prezime	
2	Ime jednog roditelja	
3	Datum, mjesto rođenja i JMB	
4	Državljanstvo	
5	Zanimanje	
6	Adresa stanovanja i broj telefona	
7	Broj dozvole za instruktora vožnje, za koje kategorije/potkategorije je izdata	
8	Vrsta i broj licence	

U

..... godine

Podnosilac prijave,

.....

Prilog br. 4

**ZAHTJEV
za produženje Licence**

- Predavača teoretske nastave
 Ispitivača iz teoretskog dijela ispita
 Ispitivača iz upravljanja motornim vozilom
 (U kućicu ispred željene prijave upisati *)

Bosna i Hercegovina
 Federacija Bosne i Hercegovine
 KANTON SARAJEVO
 Ministarstvo za obrazovanje, nauku i mlade

Molim da mi se izvrši produženje postojeće Licence, a o sebi dajem slijedeće podatke:

1	Prezime i ime	
2	Ime jednog roditelja	
3	Datum, mjesto rođenja	
4	JMBG	
5	Broj lične karte	
6	Državljanstvo	
7	Adresa stanovanja i broj telefona	
8	Broj i datum izdavanja Licence	

Uz zahtjev prilažem slijedeću propisanu dokumentaciju:

1. ovjerenu fotokopiju stare Licence,
2. dvije fotografije (30x35),
3. ovjerenu fotokopiju lične karte,
4. ovjerenu fotokopiju vozačke dozvole,
5. ovjerenu fotokopiju dozvole za instruktora vožnje,
6. 2 potvrde o učestvovanju na stručnim usavršavanjima,
7. dokaz o uplati troškova izdavanja-zamjene Licence u iznosu od 40 KM.
(*zaokružiti broj ispred priložene dokumentacije*)

U
 godine

Podnosilac zahtjeva

.....